

---

## SOMONIYLAR DAVLATI

**Axmatqulov Jahongir Dilmirod o‘g‘li**

**Axmatjonova Muazzamxon Ibrohimjon qizi**

*Andijon davlat pedagogika instituti*

*Ijtimoiy- gumanitar va san'at fakulteti*

*Tarix yo‘nalishi 1- bosqich 102- guruh talabasi*

**Annotatsiya:** *Somoniylar davlati, Markaziy Osiyo tarixida muhim o'rin tutgan davlat bo'lib, 819 yildan 999 yilgacha mavjud bo'ldi. Bu davlatning asoschisi Somon Xudo bo'lib, u hozirgi Eron, O'zbekiston va Tojikiston hududlarida markazlashgan edi. Somoniylar sulolasi, ayniqsa, fors madaniyati, tili va adabiyotining rivojlanishiga qo'shgan ulkan hissasi bilan tanilgan. Somoniylar hukmronligi ostida mintaqada san'at, me'morchilik va ilm-fan sohalarida madaniy uyg'onish yuz berdi. Buxoro, Somoniylar davlati poytaxti bo'lib, ilm-fan va madaniyat almashinuvi markaziga aylangan, shu yerda mashhur faylasuf Ibn Sino kabi olimlar, shoirlar va mutafakkirlar yig'ilgan. Somoniylar davrida, shuningdek, Islomning mintaqada yanada mustahkamlanishiga erishilgan va davlat Islom ta'sirini kengaytirishda katta rol o'ynagan. Biroq, davlating ichki ziddiyatlar va tashqi bostirib kirishlar tufayli qulagan, ammo uning merosi hozirgi kunga qadar mintaqaga ta'sir ko'rsatmoqda.*

**Annotation:** *The Samanid Empire, a significant state in the history of Central Asia, existed from 819 to 999 AD. It was founded by Saman Khuda and was centered in present-day Iran, Uzbekistan, and Tajikistan. The Samanid dynasty is particularly known for its contributions to the development of Persian culture, language, and literature. Under the Samanid rule, the region saw a cultural renaissance with the flourishing of art, architecture, and scholarship. The empire's capital, Bukhara, became a renowned center of intellectual and cultural exchange, attracting poets, scholars, and scientists, including the famous philosopher Avicenna. The Samanid period also marked a consolidation of Islam in the region, with the dynasty playing a crucial role in spreading Islamic influence. Despite its achievements, the empire eventually fell due to internal divisions and external invasions, but its legacy continues to influence the region to this day.*

**Аннотация:** *Государство Саманидов (819–999 гг.) занимало важное место в истории Центральной Азии как одно из влиятельнейших и культурно развитых государств своего времени. Основанное Саман Худой, оно охватывало территории современных Ирана, Узбекистана и Таджикистана. Династия Саманидов сыграла ключевую роль в развитии персидского языка и культуры, сделав персидский язык официальным. Столица Бухара стала центром науки и просвещения, где жили и творили великие ученые и мыслители, такие как Абу Али ибн Сина. В период правления Саманидов ислам окончательно укоренился в регионе, оказав значительное влияние на общественную и политическую жизнь. Несмотря на последующий упадок из-за внутренних конфликтов и внешнего давления, культурное наследие Саманидов продолжает оказывать влияние на регионы Центральной Азии и в наши дни.*

**Kalit so'zlar:** *Markaziy Osiyo, Fors madaniyati, Fors adabiyoti, Buxoro, Islom ta'siri, Ibn Sino, Somoniylar sulolasi, Madaniy uyg'onish, Islomning oltin asri, San'at va me'morchilik, Ilmiy almashinuv, Tarixiy meros, Somoniylar davlatining qulashi, Madaniy va ilmiy rivojlanish.*

**Keyword:** *Samanid Empire, Central Asia, Persian culture, Persian literature, Bukhara, Islamic influence, Avicenna, Samanid dynasty, Renaissance, Islamic Golden Age, Art and architecture, Intellectual exchange, Historical legacy, Fall of the Samanid Empire, Cultural and scholarly development*

**Ключевые слова:** *Центральная Азия, персидская культура, персидская литература, Бухара, влияние ислама, Ибн Сина, династия Саманидов, культурное возрождение, золотой век ислама, искусство и архитектура, научный обмен, историческое наследие, падение государства Саманидов, культурное и научное развитие.*

### **Kirish:**

Somoniylar davlati Markaziy Osiyo va Eron hududida IX–X asrlarda faoliyat yuritgan, o‘z davrining qudratli va taraqqiy etgan davlatlaridan biri bo‘lgan. Bu sulola islomiy dunyoda siyosiy barqarorlik, iqtisodiy yuksalish va madaniy taraqqiyot davrini boshlab bergan. Somoniylar nafaqat mustahkam markazlashgan boshqaruv tizimini yaratgan, balki ilm-fan, adabiyot va san’at sohalarini yuksaltirish orqali o‘z

davrida "Ma'rifat asri"ni yuzaga keltirgan. Buxoro shahrining poytaxt sifatida tanlanishi ham ushbu davrda madaniy va ilmiy markaz sifatida butun islom olamida tanilishiga sabab bo'lgan. Ushbu mavzuda Somoniylar davlati tarixiy ahamiyati, uning siyosiy va madaniy merosi haqida fikr yuritiladi.

**Somonilar davlati 10 asr o'rtalarida:** Arab xalifasi Horun ar-Rashid vafotidan so'ng uning o'g'illari Ma'mun va Amin o'rtasida taxt uchun bo'lgan kurashda Ma'munga yordam berganliklari uchun Somonxudotning nabiralari ayrim shahar va viloyatlarga noib qilib tayinlanadilar. Chunonchi, Nuhga Samarqand, Ahmadga Farg'ona, Yahyoga Shosh va Ustrushona, Ilyosga Hirot tegadi. Buning evaziga aka-uka Somoniylar Movarounnahrning har yilgi xirojidan juda katta mablag'ni tohiriylar orqali xalifa xazinasiga yuborib turadilar. 9-asrda Movarounnahrning siyosiy hayotida o'zgarishlar yuz berib, yurtga avval Nuh, so'ngra Ahmad boshchilik qiladi. Har biri hukmronligi davrida o'z nomlaridan chaqa tangalar zarb ettiradilar. Ahmad vafotidan (865) keyin uning o'g'li Nasr Samarqandni markazga aylantiradi. U Movarounnahrning barcha viloyatlarini birlashtirish va uni Xurosondan ajratib olish choralarini ko'radi. 9-asrning oxirgi choragida Movarounnahrning deyarli barcha viloyatlari somoniylar tassarufiga o'tadi. Nasr butun Movarounnahrning hukmdoriga aylanadi va kumush dirham zarb etadi. Ko'p o'tmay aka-uka Nasr va Ismoil o'rtasida toj-taxt uchun kurash boshlanadi. Unda Ismoil g'olib chiqadi. Ismoil Somoniy 888-yilda butun Movarounnahrni o'z qo'l ostiga birlashtirdi va mustahkam davlat tuzishga intildi. Shimoli sharqiy hududlarga yurish qiladi va 893-yilda Taroz shahrini zabt etib, dashtliklarga qaqshatqich zarba beradi. Movarounnahr aholisining mustaqillikka erishishi Arab xalifalariga yoqmas edi. Shu boisdan xalifalik safforiylar bilan somoniylarni to'qnashtirishga va ularning har ikkisini ham zaiflashtirib, bu boy viloyatlarda o'z ta'sirini qayta tiklashga qaror qiladi. Xalifa Mu'tazid safforiylar hukmdori Amr ibn Laysga Xuroson bilan birga Movarounnahr ustidan ham hukm yuritish huquqi berilgani haqida farmon chiqaradi va uni Ismoilga qarshi gigijlaydi. Natijada 900-yilda ular o'rtasida urush boshlanib, Ismoilning g'alabasi bilan tugaydi. Butun Xuroson somoniylar qo'l ostiga o'tadi. Noilojlikda xalifa Ismoilga hukmdorlik yorlig'ini yuborishga majbur bo'ladi. Ismoil Somoniy butun Movarounnahr va Xurosonni o'z qo'l ostida birlashtiradi va Buxoro shahri bu ikki davlatning poytaxtiga aylanadi.

*1. Azamat Ziyo O'zbek davlatchiligi tarixi: ( Eng qadimgi davrdan Rossiya*

*bosqiniga qadar ) T..2000.*

**Boshqaruv tizimi:** Somoniylar mamlakatni boshqarishda dastavval ixcham boshqaruv ma'muriyatini tashkil etdilar. U amir dargohi va devonlar (vazirliklar)dan iborat edi. Dargohda amir qarorgohi va harami hamda saroy a'yonlari, navkar va xizmatkorlarning turarjoylari bo'lgan. Narshaxiyning yozishicha, somoniylar boshqaruvi asosan 10 ta devon orqali idora etilib, ular orasida vazir devoni bosh boshqaruv mahkamasi hisoblangan. Nasr II davrida Buxoroning Registon maydonida amir qasri qarshisida devonlar uchun saroy qurilib, mahkama mana shu maxsus binoga joylashgan edi. Mahkama xizmatchilari arab, fors tillarini puxta egallab olgan, Qur'onni va shariatning asosiy qoidalarini yaxshi biladigan, turli fanlardan xabardor bo'lgan savodli kishilardan tanlab olingan. Ismoil Somoniy saroyning maxsus, muntazam sarbozlaridan iborat yaxshi qurollangan harbiy qo'shin tuzadi. Yaxshi va uzoq xizmat qilgan sarbozlar hojib lavozimiga ko'tarilgan. Hojiblarning boshlig'i hojib ul-hujob yoki hojibi ul-buzruk deb yuritilgan. Bunday unvon somoniylar saroyidagi oliy unvon hisoblangan.

Somoniylar davrida turkiy hokimlar bir qator viloyatlarni boshqargan, 10-asr Farg'ona shaharlarida chiqarilgan tangalarda ko'plab turkiy hokimlar tilga olingan.

Bo'ri-tegin yoki Bo'ri — somoniylarning Turkiy zobiti bo'lib, 974/975—977 yillarda G'azna hokimi bo'lib xizmat qilgan. Somoniylarning yana bir sarkardasi, asli turkiy bo'lgan Sebuhtegin Bo'ri-teginni quvib chiqardi va 977-yilda Somoniylar amiri Nuh II tomonidan hokim etib tayinlandi..

Somoniylar sarkardasi Simjur ad-Davatiy asli turkiy edi. U Ahmad ibn Ismoil qo'l ostida xizmat qila boshladi va Sharqiy va markaziy Eronning turli hokimliklariga tayinlandi va Somoniylarning mintaqada o'z hokimiyatini kengaytirishga yordam berdi. Uning avlodlari Simjuridlar sulolasi nomi bilan mashhur. Uning o'g'li Ibrohim ibn Simdjur 944/945 yilda Xurosonga hokim etib tayinlanadi. Ibrohim vafotidan so'ng uning o'g'li Abul-Hasan Simjuriy Xurosonga hokim etib tayinlanadi va qariyb o'ttiz yil davomida bu lavozimda ishladi. Nuh I hokimiyatga kelishi bilan Muhammad Buxorodan o'zi uchun kattaroq muxtoriyat olishga muvaffaq bo'ldi.

Turk Alp-tegin asta-sekin Somoniylar qo'riqchilarning oliy boshlig'i, „hojiblar hojibi“ darajasiga ko'tariladi (943-954).

Somoniylar sarkardalaridan biri turkiy Quttegining nomi Buxoro, Balx va Termizda chiqarilgan Somoniylar tangalarida yozilgan. Somoniylarning turkiy sarkardasi Mansur ibn Qora-tegin Xurosonni boshqarar edi.

2.Ahmadjonov Rossiya Imperiyasi Markaziy Osiyoda. T..2003.

**Somoniylar hokimiyatining inqirozi:** Somoniylarning harbiy yurishlari, hukmron sulolaning ichki nizolari, mahalliy hokimlarning boshboshdoqlik harakatlari borgan sari avj olib bordi. Oqibatda mamlakatda iqtisodiy tanglik sodir bo'ldi. Hatto harbiylar, shu jumladan, amirning muntazam turk sarbozlari qo'shiniga maosh to'lash uchun mablag' topilmaydi. Bunday og'ir ahvoldan chiqish uchun 942-yilda aholidan ikki marta soliq undirib olinadi. Behad tartibsizlik mamlakatda vaziyatni yanada keskinlashtirib, aholi turli tabaqalarining hokimiyatga qarshi qo'zg'alishiga sabab bo'ladi. Siyosiy vaziyat Nuh (943-954) va uning nabirasi Nuh II (976-997) hukmronlik qilgan davrda nihoyatda keskin tus oladi. 947-yilda Nuh ibn Nasrning amakisi Ibrohim isyon ko'taradi. Saroy sarbozlari va Chag'oniylarning yirik yer-mulk egasi Abu Ali Chag'oniylar yordamida Ibrohim Buxoro taxtini egallab oladi. Ko'p vaqt o'tmay Abu Ali Chag'oniylarning o'zi ham hukmdorga qarshi isyon ko'taradi. Nuh qo'zg'olonni kuch bilan bostira olmaydi. 952-yilda Abu Ali Chag'oniylar u avval Chag'oniylarga, so'ngra Xurosonga hokim qilib tayinlashga majbur bo'ladi. 961-yilda Buxoro harbiy askarlarining g'ala- yoni ko'tariladi. Qo'zg'olonchilar amir saroyini talaydilar va unga o't qo'yib yuboradilar. Bunday voqealarning tez-tez qaytarilib turishi, shubhasiz, markaziy hokimiyatning zaiflashib qolganidan dalolat berardi. 992-yilda Horun Bug'roxi boshliq qoraxoniylar Movarounnahrda hujum boshlaydilar. Bu davrda somoniylar sulolasi chuqur ichki ziddiyatlar girdobiga tushib qolgan edi. Qoraxoniylar Buxoroni qarshiliksiz ishg'ol qiladilar. Nuh ibn Mansur qoraxoniylarga qarshi kurashish uchun G'aznadagi noibi Sobuqteginni yordamga chaqiradi. U yigirma ming kishilik qo'shin bilan Movarounnahrda yetib keladi. Nuh bilan birlashib, bir necha janglardan so'ng qoraxoniylar noibi qo'shinlari tor-mor qilinadi. Buning evaziga Nuh Sobuqteginni Xurosonning noibi etib tayinlaydi. Natijada G'azna va Xurosonda Sobuqtegin va o'g'li Mahmudning siyosiy hukmronligi mustahkamlanadi. 996-yilda qoraxoniylar Movarounnahr tomon yana hujum boshlaydilar. Shunday og'ir bir sharoitda xiyonat ro'y beradi. Ya'ni Sobuqtegin qo'shini Buxoroni egallaydi. So'ngra u qoraxoniylar bilan muzokaralar olib boradi. Natijada ular o'rtasida shartnoma tuzilib, unga muvofiq Sirdaryo havzasi

qoraxoniylar qo‘liga o‘tadi. Sobuqtegin esa Amudaryodan janubdagi yerlarga, shu jumladan, Xurosonda hukmdor bo‘lib oladi. Somoniylarga Movarounnahrning markaziy qismigina beriladi, xolos. Biroq ko‘p vaqt o‘tmay, 999-yilda Buxoroning Nasr Eloqxon boshchiligida qoraxoniylar tomonidan zabt etilishi bilan somoniylar hukmronligi batamom barham topdi.

**Somoniylar davlatida Islom dini ravnaqi:** Somoniylar davlati, xususan, Movarounnahrning ravnaqida Islom dini ruhoniylarining hissasi katta bo‘ldi. Shu boisdan ularning obro‘yi oshib, poytaxt Buxoro Sharqda Islom dinining eng nufuzli markazlaridan biriga aylandi. Shaharlarda ko‘plab ibodatxonalar, shu jumladan, jome masjid, xonaqoh va namozgohlar bino qilindi. Shu davrda Buxoro shahrida O‘rta Osiyodagi ilk ilmgoh — madrasa bunyod etiladi. Buxoroning bu qadimiy madrasasi X asrda bino qilingan. U Farjak madrasasi deb yuritilgan. Mamlakat ma‘naviy hayotida „ustod“ deb atalgan din va ilm peshvolari rahnamolik qilardi. Keyinchalik bu nom „shayx ul-islom“ nomi bilan yanada ulug‘landi. Ustoddan keyin xatiblar turardi. Somoniylar masjid, madrasa va xonaqohlar qurish uchun maxsus joylar va ularning sarf-u xarajatlari uchun katta-katta mulklar ajratib berganlar. Islom dini ravnaqi, shubhasiz, O‘rta Osiyo aholisining mustaqil xalq bo‘lib shakllanishida muhim ahamiyat kasb etdi.

Asli Xorazm va So‘g‘d tilida so‘zlashgan Farg‘ona, Samarqand va Buxoro somoniylar davrida til jihatidan forsiylasha boshladi.

Samarqand va davlatning boshqa shaharlarida ishlab chiqarilgan sopol buyumlarga yozuvlar bitilgan arab tili somoniylar uchun katta ahamiyatga ega edi.

Somoniylar davlati aholisining ayrim guruhleri turkiyzabon edi. Xorazmlik etnograf olim Beruniy (973-1048) o‘z asarlarida Xorazmning turkiy aholisi qo‘llagan turkiy oylar va turkiy dorivor o‘tlarning nomlarini ko‘rsatadi. Beruniy o‘zining 1000-yillarda Xorazmda yozgan „Qadimgi xalqlardan qolgan yodgorliklar“ asarida yillarning turkiy nomlarini hayvoniy davrga ko‘ra bergan bo‘lib, ular Xorazmning turkiy aholisi ishlatgan: sichqon, ot, barlar, jerboa, lui, ilon, yunt, kuy, pichin, tagigu, Tunguz. Beruniyning „Hindiston“ asarida Toshkent vohasining turkiy nomi mustahkamlangan. Beruniyning yozishicha, Shosh shahri nomi turkiy tildan kelib chiqqan bo‘lib, unda Tosh-kand, ya‘ni tosh shahar deb ataladi.

Somoniylar davlatida pul siyosati: Somoniylar tomonidan mis, kumush va oltin tangalar chiqarilgan. Markaziy hokimiyat va mahalliy hukmdorlar o‘rtasidagi munosabatlarning har xilligi tanga zarb etilishida, mis tangalardagi nomlarning joylashishi va bu hukmdorlarning unvonlarida sezilarli darajada namoyon bo‘lgan.

Somoniylar tangalari ichida tadqiqotchilar to‘rt toifani qayd etadilar:

- 1) o‘z nomi bilan tanga chiqarmagan hukmdorlar;
- 2) mahalliy mulkdor sulola boshlig‘i nomidan fuls chiqargan, tangaga uning nomini ham yozgan;
- 3) egasi o‘z nomidan tangalar chiqargan, lekin u sulola boshlig‘i nomini sharaf bilan, hukmdor sifatida tilga olgan;
- 4) egasi o‘z nomidan mis tangalar chiqargan, sulola boshlig‘i nomini umuman tilga olmagan.

Mis tangalarda Somoniylar amirining nomi va ko‘pincha o‘lkaning o‘ziga xos hukmdori nomi yozilgan. 947—948-yillarda va 954—955-yillarda Somoniylar amiri nomi va Nasrobod hukmdori Turk Molik ibn Shukurtegin nomi tilga olingan. 947-yildan boshlab Nasrobodning mahalliy hukmdori turk amiri Malik somoniylarning oliy amir va „mo‘minlar hukmdorining homiysi“ unvonlari bilan tangalar chiqargan. Keyinchalik Axsiket-Farg‘onada 965—977-yillarda mahalliy hukmdor o‘z nomidan tangalar chiqargan, lekin u somoniylar sulolasi boshlig‘i nomini hurmat bilan tilga olgan.

Somoniylarga vassali bo‘lgan turkiy Simdjuridlar sulolasi vakillari Kuhiston va Xurosonda ham o‘z tangalarini chiqarishgan.

#### ***5.Sag‘dullayev va boshqalar. O‘zbekiston tarixi: davlat va jamiyat taraqqiyoti***

Mamlakat iqtisodiy hayoti: Somoniylar davlatida dehqonchilik va hunarmandchilikning rivoj topishi natijasida ichki va tashqi savdo kengaydi. Qadimgi karvon yo‘li bo‘ylab quduqlar qazilib, har bir bekatda rabotlar bino qilindi. Karvonlar o‘tadigan shahar va qishloqlarda karvonsaroylar qurilib, ularda hujralar va omborxonalar bo‘lgan. Ichki bozorlarda „fals“ deb atalgan mis chaqa, xalqaro savdo-sotiqda esa kumush tanga — dirhamlar ishlatilardi. Mis chaqalarni markaziy hukumat ham, shuningdek, sulola a‘zolaridan bo‘lgan ba‘zi viloyat hokimlari ham chiqarar edilar. Kumush tangalar faqat hukumat boshlig‘i nomidan Marv, Samarqand, Buxoro va Shoshda davlat zarbxonalarida so‘qilar edi. Somoniylar hukmronligi davrida yer

egaligining „mulki sultoni“, „mulk yerlari“, „vaqf yerlari“, „mulki xos“ va „jamoalar yerlari“ deb ataluvchi 5 turi mavjud bo‘lgan. Davlat tasarrufidagi yerlar „mulki sultoni“ deb yuritilgan. Hukmron sulola vakillari, mulkdor dehqon va aslzodalarning tasarrufidagi katta-katta yer maydonlaridan tortib mehnatkash qishloq aholisiga tegishli mayda xususiy yerlargacha „mulk yerlari“ hisoblangan. Masjid, xonaqoh va madrasalarga vaqtincha yoki abadiy foydalanish uchun berilgan yerlar „vaqf yerlari“ deb atalgan. Bunday turlardagi yerlardan foydalanuvchilarning barchasi davlatga hosilning 1/3 hajmida xiroj to‘lar edi. Oliy martabali ruhoniylar va sayyidlar qo‘l ostidagi yerlar „mulki xos“ deb yuritilgan. Bunday imtiyozga ega bo‘lgan mulkdorlar davlatga ko‘pincha hosilning 1/10 hisobida ushr solig‘ini to‘lagan. Hukmron sulola hamda oliy tabaqa vakillariga davlat oldidagi xizmatlari evaziga hadya qilingan yerlar — mulki iqto yerlari deb yuritilgan. Bundan tashqari, qishloq jamoalari tasarrufida ham ma‘lum hajmda yer maydonlari saqlanib, ular „jamoalar yerlari“ hisoblangan. Ular asosan lalmikor va tog‘oldi yerlaridan iborat bo‘lgan. Dehqonchilik solig‘i — xirojdan xazinaga tushadigan daromad davlat kirmichiqimining kattagina qismini qoplagan. Shuning uchun somoniylar mamlakatda dehqonchilik xo‘jaligini rivojlantirishga katta e‘tibor berganlar.

### Xulosa

Somoniylar davlati IX–X asrlarda Markaziy Osiyo va Eron hududida kuchli siyosiy, iqtisodiy va madaniy taraqqiyotga erishgan davlatlardan biri bo‘ldi. Bu davrda musulmon sharqining turli sohalari, jumladan fan, adabiyot, san‘at va arxitektura yuksak rivojlandi. Somoniylar mahalliy boshqaruv tizimini mustahkamlab, o‘zbek, tojik va boshqa xalqlarning shakllanishida muhim rol o‘ynadi. Davlat ichki va tashqi savdo aloqalarini kengaytirib, iqtisodiy barqarorlikni ta‘minlashga erishdi. Ayniqsa, ilm-fan va ma‘rifatga berilgan e‘tibor tufayli ko‘plab buyuk allomalar yetishib chiqdi. Somoniylar davlati o‘z davrining ilg‘or siyosiy tizimiga ega bo‘lib, keyingi musulmon davlatlari taraqqiyotiga asos bo‘lib xizmat qilgan. Shu bois, Somoniylar merosi bugungi kunda ham tarixiy, madaniy va ilmiy jihatdan katta ahamiyatga ega.

### **5. Sag‘dullayev va boshqalar. O‘zbekiston tarixi: davlat va jamiyat taraqqiyoti**

**Foydalanilgan adabiyotlar**

1. Azamat ZiyO O‘zbek davlatchiligi tarixi: ( Eng qadimgi davrdan Rossiya bosqiniga qadar ) T..2000.
2. Ahmadjonov Rossiya Imperiyasi Markaziy Osiyoda. T..2003.
3. Ismoilova J.Farg’ona vodiysida milliy ozodlik kurashlari. T..2003. Istoriya Uzbekistan – T : Fan, 2012.
4. Sag’dullayev A .S Qadimgi O’rta Osiyo tarixi. T., 2004.
5. Sag’dullayev va boshqalar. O‘zbekiston tarixi: davlat va jamiyat taraqqiyoti.T.,